

社320

188

第



八旗通志初卷之一百三十八

宗室王公列傳十

貝勒博洛 子貝勒齊克新

貝子博和託 子貝子佛克齊庫

貝子章泰 子追贈貝子吞珠



正藍旗多羅貝勒博洛。饒餘親王阿巴泰子。天聰九年奉

太宗文皇帝命。從額爾克楚虎爾貝勒多鐸。攻明寧遠錦州。崇德元年。封固山貝子。二年四月。任議政。三年。

命從豫親王多鐸。率本旗護軍及土默特兵。由寧遠錦州趨山海關。將至中後所。明總兵祖大壽知之。遽以兵襲多鐸師後。土默特部落俄木布楚虎爾及甲喇章京翁克等先奔。燾章京哈寧阿。甲喇章京阿爾津。俄羅塞臣等不能拒。博洛奮勇

前擊却之。五年。蒙古多羅特部民蘇班代。阿巴爾代等約降。隨

命從鄭親王濟爾哈朗等。迎之於杏山之西五里臺。蘇班代等已入我軍。明松山錦州兵來爭。張翼而陣。進逼我師。鄭親王兵引退於九里外。敵百餘騎噪而前。乃縱兵反擊。分隊衝入敵陣。博洛與諸王貝勒皆奮勇進擊。大敗之。追奔至城下。還是月戊戌。以陣獲旗纛馬匹盔甲等物進獻。太宗特賜博洛御廐良馬一匹。六年八月丁巳。

太祖親率大軍擊明。經畧洪承疇於錦州。環松山而營。癸亥。黎明。敵人八總兵率師來犯我噶布什賢汛地。博洛從武英郡王阿濟格及內大臣圖爾格等。逐之至塔山。還獲筆架山積粟十二堆。甲子。奉

命往桑噶爾塞堡。遮擊明師。丁卯。引兵還。是晚與貝勒羅洛宏。內大臣圖爾格等。每旗銳卒二十名。及正白旗護軍翁牛特兵。錫翰多爾濟兵。俱從貝勒多鐸設伏。己巳。明總兵吳三桂。王樸。引兵自杏山出奔寧遠。我噶布什賢兵見之。由杏山西從大路迎擊之。三桂兵退奔高橋。博洛等諸伏

俱起。前後夾擊。大敗之。壬申。引兵還。七年九月。與貝子羅託。尼堪。固山額真。公艾度禮。宗室拜尹圖。固山額真。恩克圖。俄莫克圖等。率師往代。公博和託等。駐防錦州。順治元年。從睿王多爾袞。入山海關。破流賊。十一月。從豫親王多鐸。往定中原。十月。封多羅貝勒。二年正月。破流賊於潼關。四月。平定河南。

賜弓一。六月。定國大將軍豫親王。已定南京。隨令博洛等。引兵趨杭州。先持檄招之。迨大兵至杭州。敵兵分路來拒。皆敗之。比夜。賊兵悉東渡錢塘江。

奔竄。明潞王勢窘。開門降。浙西湖州。嘉興。浙東。紹興。寧波。嚴州等府。皆下。紹興。淮王亦渡江來歸。十月戊申。敘破流賊克潼關。平江浙等處功。賜金二百兩。銀一萬五千兩。漆鞍馬一匹。空馬二匹。三年二月丙午。奉

命。爲征南大將軍。同固山額真。公圖賴。率師征福建。賜之勅曰。茲以福建。浙東等處。寇賊僭亂。塗炭生靈。罪惡貫盈。天人共憤。特命爾行征南大將軍事。統兵前征。凡事必與諸將同心協謀而行。毋謂白知。不聽人言。毋謂兵強。輕視逆寇。仍嚴偵探。毋致疎虞。抗拒不

順者戮之。傾心歸順者撫之。總以安民爲首務。須嚴禁兵將。申明紀律。凡係歸順軍民。不得肆行搶掠。務體朕以仁義定天下之意。若定福建。卽斟酌善地。以屯大兵。一面速行奏議。前征消息。候旨而行。其行間將領功罪。察實紀明彙奏。如係小過。當卽處分。至於十人長撥什庫以下。無論大小罪過。俱與諸將商定處分。爾受茲重任。益殫忠猷。用張撻伐。立奏蕩平。欽哉。三年五月。兵至杭州。時賊兵營於錢塘江東岸。綿亘二百里。遣固山額真圖賴等。從上流渡江。分兵往擊之。至江濱無船隻。大兵策馬徑渡。敵人

大驚。僞國公方國安望風膽落。盡棄戰艦。奔還紹興。攜僞魯王朱彝垓遁保台州。大兵進剿。屢勝之。擒僞總兵武景畧等。斬獲甚衆。全浙底定。隨分兵由衢州廣信兩路進師福建。遣固山額真公圖賴等。擊敗僞閣部黃鳴峻於仙霞關。遂破浦城。噶布什賢甲喇章京弩山等。擒斬僞軍門楊廷清。李暄。分遣署纛章京杜爾德。噶布什賢章京拜尹岱等。攻下建寧。延平等府。聞僞唐王朱聿釗在汀州。遣纛章京阿濟格。尼堪。杜爾德等。以師襲之。破其城。擒斬聿釗。及僞曲陽王

朱盛渡西河王朱盛佺松滋王朱演漢西城王
朱通簡及僞伯僞官等撫定汀州僞總兵姜正
希率師二萬人來襲汀州我師擊敗之斬首萬
餘級又遣固山額真宗室韓岱等破僞總兵師
福於分水關入崇安縣俘斬僞軍門楊文忠等
撫定興化漳泉三府遣署梅勒章京趙布泰等
襲克福州省城前後破賊兵二十餘次降僞總
兵二十員副將四十一員叅遊七十二員馬步
兵六萬八千五百餘名獲僞璽九顆馬騾輜重
無算福建悉平十一月捷聞

朝廷以博洛等躬親調度平定浙閩命所司擇日祭
告

天地

宗廟大赦天下四年博洛聞僞唐王朱聿劍弟聿鎮僭
號於廣州府遣署兩廣總督佟養甲署提督李
成棟帥師進剿斬聿鎮并僞周王肅眾益王思
矣遼王術雅鄧王器壘鉅野王壽鋤通山王蘊
鉞高密王弘椅仁化王慈鮑鄔陵王肅洵南安
王企瓏周王世子恭樑遼王世子儼錄宗室由
梧慈剿獲僞王及文武官印記共三百九十顆

廣郡平定。二月提至。議敘有功將士。四月乙酉。

班師還

京。六月封多羅郡王。五年九月。

賜王號曰端重。十一月。同英親王阿濟格駐防大同。是冬。大同總兵姜瓖叛。以英親王阿濟格爲平西大將軍討之。賊黨劉遷攻代州。據外關。章京愛松古遊擊高國勝併蒙古兵三百人被困。王奉命同承澤郡王碩塞等帥師往援。梯攻外關。蒙魁等先登克之。賊渠遁去。代州圍解。三月。祖馬路得勝。路賊兵五千餘。由大同北山出列兩營。進逼我

軍。王遣纛章京鰲拜巴圖魯昂邦章京阿喇納等破一營。梅勒章京譚布。纛章京車爾布破一營。姜瓖聞兩路兵至。率千餘騎出城來拒。王帥鰲拜巴圖魯等迎擊。斬首畧盡。是月晉封親王。四月。寇陷山西汾州府。王奉

命爲定西大將軍。由大同統官兵往討。五月。克復清源。交城。文水。徐溝。祁縣等縣。六月。賊圍平陽。王遣梅勒章京譚布等擊敗之。賊渡黃河遁去。平陽汾州平。八月。賊衆萬餘圍絳州。王遣署梅勒章京羅碩等擊破之。斬二千餘級。進攻孝義。委署

八旗通志卷一百三十八
副將梁化鳳以火藥伏地中攻其城城陷拔之賊衆三千餘來犯壽陽王遣署梅勒章京卦喇特晉等援剿大敗之斬千餘級又敗賊於平遙遼州榆社等處斬級無算時有

旨令駐防兵馬留鎮太原王因上疏奏言平陽府所屬已附者十七州縣未附者十州縣汾州府所屬已附者二州縣未附者八州縣太原府所屬已附者六州縣未附者七州縣茲奉

旨令駐防兵馬留鎮太原出征大兵畧定反叛地方俟馬匹餵養肥壯卽令回京臣等觀其形勢恐大

兵旣回已附城堡復爲賊有伏候

聖裁疏入得

旨王言甚是和碩異親王滿達海兵馬到汾州時可合

兵併力攻取汾州俟彼處奏報到日另旨定奪九月

王與征西大將軍罷親王滿達海克汾州斬僞

巡撫姜建勳僞布政使劉炳業嵐縣永寧州俱

平王又報平陽汾州等處賊渠葛仲京等陷孟

城驛僞張總兵王總兵犯兩紅旗營雷和尚張

五圍絳州劉光裕陷岳陽縣胡邦秀據老君廟

臣分遣官兵俱擊敗之州縣悉平先是王緣事

八旗通志 卷一百三十八
降封郡王。至八年正月。復封爲和碩親王。三月奉

命管戶部事。六月。

世祖章皇帝幸南苑。賜王鞍馬一。九年三月丁亥薨。年四十。

賜祭葬立碑。諡曰定。八月。以子齊克新襲親王爵。十二年四月。仍給號端重親王。十四年正月。封齊克新弟塔爾納。爲多羅郡王。三月。塔爾納薨。諡敏思。十六年十月。鄭親王濟爾哈朗等。追議齊克新。父博洛。曾諂媚睿王。降齊克新爲貝勒。併追

降博洛爲貝勒。奪諡號及碑。塔爾納封爵。諡號及碑。亦併追奪。十八年正月。齊克新薨。諡懷思。固山貝子博和託。亦饒餘親王阿巴泰子。初封輔國公。崇德元年。隨豫親王多鐸。征朝鮮。圍其城。朝鮮王棄國遁。其外道之兵。聞其主被圍。有巡撫一員。率兵一萬八千來援。博和託。同碩託。尼堪等。迎戰。大破之。又一副將。率兵五千來援。又擊敗之。三年。隨睿親王多爾袞。征明。四年四月。班師。大獲而還。

賜銀二千兩。六年。征明。圍錦州。三月。博和託。同睿郡王

八旗通志 卷一百三十八
多爾袞等駐札杏山。七年七月奉

命率官兵往代其父饒餘貝勒阿巴泰等戍守錦州。九月還。八年六月隨其父奉命大將軍饒餘貝勒阿巴泰征明破山東郡邑大捷而還。

賜銀三千兩。十月與篇古率官兵更番駐防錦州。順治元年隨奉命大將軍睿王多爾袞統大軍入山海關破流賊。十月晉封固山貝子。五年九月薨。諡溫良。有二子佛克齊庫章泰順治六年十月封佛克齊庫爲固山貝子。十四年十二月薨。諡介潔。

固山貝子章泰貝子博和託之子也。順治八年閏二月封鎮國公。是月晉封固山貝子。九年正月襲父爵仍爲固山貝子。康熙十二年十二月逆藩吳三桂反。十三年六月。

命安遠靖寇大將軍貝勒尚善統兵往征之。以章泰參贊軍務。是年至湖廣岳州時覺羅朱滿已擊敗賊兵於城外掘壕固壘爲久圍計。而水路賊道尚通饋餉不絕。久不能下。章泰爲大將軍貝勒尚善言積年固守虛糜糧餉師老則疲岳州終無可下之計。願自領水師斷其餉道。水陸夾攻。

庶岳州可下。陳說再四。尚善不從。遂自具疏題請。又再疏申理前說。十七年十一月得

旨。許進兵。遂親自領水師兵。至南靖江奶子山。令護軍統領杭音等進擊。大破僞將軍杜輝等於陸石口。涉水獲賊船四隻。又督兵於白米灘。連營困其舟師。斷截岳州賊兵餉道。十八年正月。賊帥吳應麒始以饑困棄城南遁。大兵遂克岳州。尋授撫遠將軍印。二月。隨安親王岳樂進剿至雙井堡。賊礮火及章泰身。矢囊俱焦。奮勇進戰。大敗賊兵。同湖廣提督桑格取華容石首二縣。三

月。

聖祖仁皇帝以進取廣西事屬緊要。諭順承郡王勒爾錦等所部兵。撥每佐領護軍二人。驍騎二人。令章泰率往安親王軍前。赴衡州進取寶慶諸處。八月庚辰。定遠平寇大將軍安親王岳樂遣將軍侯林興珠提督趙國祚等擊殺賊渠吳國貴於武岡州。餘賊棄武岡而遁。章泰追及於木瓜橋。又大敗之。遂復武岡州。及楓木嶺。十一月。

聖祖以安親王岳樂久勞於外。

特命還京。以章泰爲定遠平寇大將軍。卽以安親王岳

樂勅印留與之。十九年四月，章泰率官兵擊賊於江西橋，敗偽將軍吳應麒等，恢復沅州。又遣官兵恢復靖州。通道縣偽知縣黎平府偽知府偽副將等，率偽文武官及土司官來降。偽義勝將軍吳有鮫，偽按察司謝龍等，并貴州黎平府龍里蠻夷長官司楊勝締等，各率偽官及兵等投誠。偽將軍吳有爵及降賊總兵陳世祿等，亦率眾降。六月，貝勒察尼疏奏進兵雲貴。

聖祖命帥師還京，令章泰帥師進征。時四川遵義府復陷於賊。十九年奉

聖祖諭，率兵速取貴陽，仍分兵以取遵義。又四川將軍吳丹、趙良棟奉有取遵義後亦進四川之

旨。章泰疏言：貴州地方褊小，難得糧餉，再應川兵必致

匱乏，尋奉

諭旨：吳丹等得遵義後，毋得經由貴州。兵民間之，咸爲感奮。又疏言：蔡毓榮奉有調遣漢兵之

旨。今進取貴州，滿漢旣已合兵，若各自調遣，彼此不相知會，恐於事機無濟。得

旨。蔡毓榮進取貴州，凡屬軍機，俱關白大將軍商酌行之。於是事權畫一，所向成功焉。九月，章泰親領大兵

自平遠衛進取貴陽。時賊將張足發等。在鎮遠府大路兩面高山上。札立兩營。又於大路跨立一營。深壕固壘。章泰令總督董衛國。攻鎮遠衛關口。奪取十向口大安門。遂取鎮遠府。又遣將追賊至偏橋衛。降之。十月。克平越府。攻新添衛。從北門殺入。追賊直出南門。又擊城西橋來拒之賊。大敗之。時吳三桂已死。孽孫吳世璠僭號貴州。至是震驚。棄貴陽而遁。遂克貴陽府。委提督周卜世擊敗賊兵。取思恩府。又委薩克塗巴圖魯提督桑格。率領滿洲綠旗兵。攻奪鷄公背鐵索橋。諸險隘。進至安籠舖。大敗賊兵。追至黃土坡。又攻毛口賊。降之。奪鐵索橋。貴州全省平定。先是奉平定貴州。卽攻遵義之。

旨。章泰以雲南爲賊渠巢穴。遵義小寇。若攻取遵義。未免分力。具疏奏請。專平定雲南。駐師候。

旨。忽聞平遠府陷於賊。隨派滿洲及綠旗兵歸并征南。將軍都統穆占。統領往攻之。尋奉進攻雲南。

諭旨。遂於二十年正月。每佐領下派兵七名。向雲南進發。是時征南大將軍賴塔。率廣西兵。於十九年十一月十五日。已進攻至雲南境上。章泰催兵。

疾驅賊帥線絨率領賊兵萬餘。在江西坡拒敵。二月初五日。至安南衛。初八日。至江西坡。初九日。審定進戰地方。分派滿洲綠旗官兵。擬於初十日進攻。初九夜。賊已宵遁。隨委拉塞等急速進剿。追至砂子哨。賊列陣驅象下山拒戰。自午至酉。我兵分三隊奮擊。大敗其衆。初十日。遣副都統公圖等。追及賊兵於臘茄坡。又大敗之。遂取新興所。僞王總兵率領賊兵千餘。殿後拒戰。奮擊斬之。復普安州。委前鋒統領阿納哈酌量帶領前鋒兵。又委都統拉塞帶領護軍馬兵疾

速前進。二月十五日。至交水。遂與廣西兵合。兩軍於十九日。齊至雲南。距城四十里立營。二十一日黎明。賊將胡國柄等。自城內領賊兵萬餘。象五隻。籐牌木架來戰。章泰率大兵排於左。征南大將軍賴塔率廣西官兵排於右。自卯時戰。至午時。賊兵堅拒不亂。章泰委前鋒統領阿納哈。盡將前鋒兵率領過橋。從兩脇殺入。賊兵始退。大兵陸續前進。將賊逼至歸化寺。大敗之。陣斬胡國柄。及僞將軍總兵九員。隨進圍雲南城。諸將恐攻城損兵。章泰謂若不近城札營。賊必

不降。即派滿洲綠旗兵。於近城南壩。薩石街。走馬街。雙塔寺。得勝橋。重關等處。扼吭立營。仍廣布檄諭。宣

朝廷威德。遣官招降各路從逆官弁。於是大理姚安。永昌。各偽鎮俱降。偽臬帥馬寶。巴養元等。奔據烏木山。遣都統希佛等擊降之。八月。聞將軍噶爾漢總督哈占等。率兵來滇。因上疏言。逆賊馬寶等俱已投降。夏國相黨與解散。惟胡國柱在鶴慶麗江。尚未剿滅。現有都統希佛提督桑格率兵追捕。兵力足用。據報將軍噶爾漢總督哈

占。率兵已抵貴州威寧。此兵至。則雲南糧餉不敷。臣等公議。令哈占兵還四川。噶爾漢兵至日。以廝役補充缺額。兵量行察汰。則糧不至多糜矣。等奉

諭旨。令哈占兵還四川。其餘俱令還京。十月。即軍前授

宗人府左宗正。十一月。逆孽吳世璠自經死。賊將獻城降。時諸將以軍士勞苦。宜許其搶擄。以為賞賜。章泰獨持不可。謂搶擄則民散。兵糧無所出矣。因與賴塔等議。委穆占馬緝。二將軍入城。辦理受降事宜。查清倉庫數目。然後大兵進

城再按數確查。降其賊將大小官員共五千六百餘人。兵三萬三千六百餘名。大金印十四顆。小金印七顆。金策八件。銀印九十二顆。將逆孽吳世璠梟示。僞將軍夏國相三桂壻也。時尚遠颺章泰欲遣兵追之。賴塔等議未合。章泰言此賊必不可令逸去。委總兵官李國棟往追。戒令必獲夏國相等。以絕吳逆餘黨之望。李國棟因領兵追國相等至西板橋。國相等降。又遣都統希佛追賊將胡國柱至雲龍州。國柱縊死。夏國相與僞國公馬寶等並俘送京師。於是雲南全省底定。二十一年十月。同征南大將軍賴塔各率禁旅奏凱還

京。

聖祖親率王大臣等。迎至蘆溝橋南二十里外。列八纛拜

天行禮。二十二年四月議敘。以功績入封冊。

賜黃金二十兩。白金千兩。二十四年九月。解宗人府左

宗正任。二十九年薨。

賜祭葬立碑如例。子吞珠。好學工書法。康熙十一年正月。封鎮國公。二十七年二月。以爲人庸懦。降鎮

國將軍。二十九年六月。照例襲父爵爲鎮國公。
五十六年十月。

特旨授禮部尚書。在官清謹。五十七年閏八月卒。

特贈貝子品級。予祭葬。諡恪敏。立碑墓道。文云。國家惇
敘之誼。首重懿親。其有令聞宣昭。嘉猷懋著者。未嘗
不寵之異數。生榮歿哀。典至渥也。爾吞珠樹品端方。
賦才練達。早屬銀潢之籍。爵襲上公。繼綜玉牒之司。
秩隆天室。少而嚮學。惟墳索之玩耽。貴益甘貧。由性
情之澹泊。爰以公族出掌春官。俾登喉舌之班。簡在
典禮之地。悉心殫力。歷夙夜以不遑。潔已奉公。每寅

清以自矢。爾之勞績。朕甚嘉焉。顧念歷有歲年。久無
似續。故嘗加封爾女。俾榮其宗。嗣立爾孫。永延厥世。
忽焉致疾。用醫藥之載頒。溘然告終。廼軫懷之莫釋。
推恩加渥。感舊彌深。賻以帑金。賙之上駟。特命皇子。
經紀其喪。俱臨奠醊。錫祭葬之典。晉貝子之階。易以
嘉名。諡曰恪敏。嗚呼。篤宗盟。所以厚本支。卹材賢。所
以勵在位。居心之恪。修職之敏。惟爾有之。用勒豐碑。
以光幽壤。以傳示於來茲。顧不休歟。

八旗通志

七百三十九

宗室王公列傳十一

安平貝勒杜度

貝勒杜爾祐

子貝子敦達
貝子準達

原封貝子穆爾祐

貝子特爾祐

子鎮國公登塞

貝子薩弼

子鎮國公顧稟

貝勒篇古

子貝子孛賽
孫鎮國公喇篤祐

原封貝勒尙善

子奉恩將軍顧祿固

貝子富喇塔

鎮國公阿拜

子輔國公干圖
輔國將軍范圖

輔國公塔拜

子原封貝子額克親
國公班布爾善
輔國公巴特

瑪篇古
奉恩將軍喇都海
孫輔國將軍
杜爾霸

鎮國公巴布泰

弟輔國公賴慕布

鎮國將軍聶克塞

弟鎮國將軍穆爾察

鎮國公屯齊

兄子鎮國公溫齊哈
溫齊哈子輔國公滿都

鎮國將軍羅託

子輔國將軍巴哈
輔國將軍帕帕

輔國公扎哈納

鑲紅旗多羅安平貝勒杜度阿爾哈圖土門貝

勒褚燕之子。

太祖高皇帝之孫也。

國初從證明奉集堡取遼東等處俱在行間有功。

封為貝勒天聰元年正月同大貝勒阿敏等征

朝鮮屢戰皆捷朝鮮王李倅懼遣使來議和諸

貝勒許之秣馬以待阿敏懷異志欲引杜度直

趨朝鮮王京杜度不從卒定盟而還三年十一

月隨

太宗文皇帝證明逼北京大同總兵滿桂宣府總兵侯

世祿將兵來援。杜度與大貝勒代善等擊敗之。又同阿巴泰貝勒濟爾哈朗貝勒率兵三千往畧通州一帶。焚毀船隻。攻克張家灣。十二月。

太宗班師還。至薊州。遇明山海關援兵五千。杜度等身先衝入敵軍。悉殲之。是役以力戰傷足。尋聞遵化所屬石門驛馬蘭峪等十一城俱叛。杜度統本旗擺牙喇兵前往遵化鎮守。叛者復降。四年正月。明馬兵五千來攻遵化。杜度擊敗之。殺其副將一員。獲駱駝五十隻。馬一千四百七十匹。五年七月。

太宗率諸將士往征察哈爾。以杜度同薩哈廉豪格等留守都城。六年四月。大軍復往征察哈爾。仍令杜度留守。七年三月。奉

命築謙場城。五月。明叛帥孔有德耿仲明來降。爲明兵及朝鮮兵阻截。杜度同濟爾哈朗貝勒阿濟格貝勒帥兵接應於鎮江岸。盡運其官兵家口兵器鎗礮等物。約數百船。明兵及朝鮮兵俱不敢來追。六月。

太宗命諸貝勒大臣各抒所見。陳奏時務。杜度奏言。朝鮮已在我掌握。宜且勿征。如察哈爾來。近則征。

之。若尙遠。可取大同地方。秣馬以觀其勢。如逼近察哈爾。則往征之。察哈爾若敗。遯卽深入明境。尙荷。

天佑得破察哈爾。天下自然膽裂矣。八年五月。奉

命防守海州。保邊禦敵。以白奇將領薩穆什喀輔之。臨行授以方畧。崇德元年四月。論功。加封爲安平貝勒。九月。統擺牙喇兵往濟駐防海州。伊勒慎等軍。奏捷而還。十二月。與朝鮮議正大名。不從。太宗統大兵親征。遣杜度及昂邦章京石廷柱等護送紅衣礮將軍礮火藥兵器等車後行。二年正月。

杜度等運至。奏言。初六日。遣人往視臨津江渡口。回報云。冰已盡解。步行之人尙不可渡。臣意此非架橋之時。輜重何由得渡。心甚憂之。且觀天意何如。因將輜重運行。未至渡口前一夕。天氣清朗。忽然陰翳。雨雪交作。寒甚。冰泮復凝。初七日至臨津江。向以徒步不可行者。數萬軍士坦然徑渡。

太宗喜曰。嘉祥洵至。皆

天意也。是月。同睿親王多爾袞。率每牛条甲士十人。取朝鮮王妻所居之江華島。我舟師將渡江時。江

華島約有敵船百隻。列為兩翼。杜度與睿親王多爾袞等督舟師從中衝入。連發紅衣礮。朝鮮百船兵丁不能抵敵逃去。於是我兵登岸。朝鮮兵來迎。擊敗之。又敗其兵千人。遂克其城。二月。朝鮮降。三年六月。

太宗親征喀爾喀。令杜度同禮親王代善鄭親王濟爾哈朗等留守。併監築遼陽都爾鼻城。八月。同揚威大將軍貝勒岳託證明。自密雲東北牆子嶺入明境。明守備一員率馬步兵千餘逆戰。杜度督墨勒根轄王延祚等擊敗之。獲馬三十九匹。

尋岳託以疾薨於軍。杜度總統右翼兵。與左翼奉命大將軍睿親王多爾袞分路前進。至臨清。兩翼復合。會畧山東諸地。四年正月。遣人奏捷。疏言。臣等從北京西至山西界。南至山東濟南府。共克十九城。降者三城。敗敵十六陣。殺其二總督及守備以上官共百餘員。生擒一親王。一郡王。一奉國將軍。俘獲二十萬四千四百二十有三人。得金四千三十九兩。銀九十七萬七千四百六兩。師旋出邊時。又遣人賫疏至。言臣等出明邊青山口。從太平寨遣固山額真葉臣。譚

秦率每旗一梅勒章京。每牛彖甲士三人。往奪其關。恐我左翼兵出口時。有敵人來拒。故遣之前往。共敗敵兵十三陣。獲馬六十匹。四月凱旋至

盛京。

太宗賜馬二匹。駝一隻。銀五十兩。八月。

命管禮部事。九月。與武英郡王阿濟格。往畧明錦州寧遠一帶。五年六月。與睿親王多爾袞。往代鄭親王濟爾哈朗等。於義州築城屯田。七月。明錦州馬步兵由城西北隅來犯。卽同多爾袞等遣兵

敗之。又克錦州城西臺九座。小凌河西岸臺二座。尋聞明經畧洪承疇。率吳劉王陳四總兵。及內外馬步兵四萬。營於杏山城外。遂同諸王貝勒等。率擺牙喇兵迎擊。敗其騎卒。掩殺至城壕乃還。又率右翼兵伏寧遠路。遇敵人自關內運米千石至錦州。殺其步卒三百九十。獲駝馬數百。八月。前往錦州。遇敵兵出城刈草。追斬八十人。獲馬騾牛驢等。又同諸王貝勒率師往杏山誘擊敵兵。會偵知松山騎兵出。遂與諸王貝勒馳至松山。三戰三捷。敵人遁走。九月。鄭親王

濟爾哈朗來代。十二月。復同睿親王多爾袞等。往代鄭親王濟爾哈朗圍錦州。六年三月。往攻廣寧山城。明錦州松山兵來援。擊敗之。斬獲無算。我將曹海。雍舜。率兵四百。往截敵人山城去路。及還。遇錦州兵三百。往小凌河畋獵。斬九十人。其餘脫逃者。遇杜度所率兵五百。斬八十人。六月。明關內援兵。又出松山城來戰。復敗其衆。追逐五里許。八月。諸王貝勒隨。太宗還盛京。留杜度圍錦州。七年六月薨。年四十六。杜度疾甚。時諸王貝勒等。方集於

篤恭殿。會議出征功罪。

太宗聞之。罷朝。令各回第。嗣以杜度訃聞。

命燾章京鰲拜。巴圖魯。及擺牙喇章京等。往弔。

予祭葬如典禮。雍正二年。

世宗憲皇帝特旨。立碑墓道。以紀其功焉。文曰。朕惟國家。誼篤懿親。情殷惇睦。顯爵之畀。旣頒。澤於生前。寵錫之加。更垂恩於身後。凡以重本支。厚宗盟。典至渥焉。爾多羅。安平。貝勒。杜度。派衍銀潢。慶流玉葉。揚武闡外。夙資克敵之功。宣力師中。允協維城之義。且職司夫禮教。因志勵乎寅清。追爾勲猷。宜加恩賚。特頒

八旗通志 卷一百三十九
曠典。聿彰眷舊之情。丕布新綸。爰備飭終之禮。式循
彝憲。建樹豐碑。嗚呼。鴻文煥赫。賁泉壤以增光。寶命
輝煌。映松楸而生色。永垂奕禩。用誌哀榮。子杜爾祐
穆爾祐。特爾祐。薩弼。俱有傳。

多羅貝勒杜爾祐。安平貝勒杜度之長子也。初
封輔國公。崇德六年八月隨

太宗文皇帝征明圍松山。敵兵夜遁。諸將士相繼追擊。
杜爾祐恐後有敵兵。少待之。已而無至者。亦隨
衆追擊。大破其衆。七年隨大兵圍錦州。未幾

詔還。六月。父杜度薨。杜爾祐襲鎮國公。十月。以罪革爵。

黜宗室籍。順治元年十一月。隨定國大將軍豫
親王多鐸南征有功。二年二月。復封輔國公。仍
令入宗室籍。又

賜金五十兩。銀二千兩。七年四月。隨鄭親王濟爾哈朗
平定廣西。凱旋。

賜銀六百兩。八年二月。晉封多羅貝勒。九年十月。任議
政大臣。十二年二月薨。

賜祭葬如典禮。諡愨厚。長子敦達。照例降襲固山貝子。
康熙十三年九月薨。

賜祭葬。諡恪恭。次子準達。康熙六年正月。封固山貝子。

十二年冬。逆藩吳三桂反。十三年八月。準達奉命帥師往湖廣荊州。助順承郡王勒爾錦。十六年三月。授宗人府右宗正。仍在軍前。十八年。率領官兵進取常德。賊懼。縱火焚城中廬舍。并江中船艦而遁。僞按察使陳寶鑰等降。十九年十一月。轉左宗正。旋授蕩寇將軍。二十年正月。疏報我師水陸進剿。大破賊衆於牌華洞等處地方。斬獲無算。進攻四川。恢復長壽墊江等縣。是年十月。以疏報軍機遲悞。降爲鎮國公。併解左宗正任。二十二年二月。授鑲紅旗蒙古都統。五十六年十月。復任宗人府右宗正。六十一年二月。因病解右宗正任。雍正四年六月卒。年七十四歲。追封貝子。

賜諡溫恪。

諭祭二次。碑文稱其持躬恪慎。矢志靖共。早賈勇於臨戎。繼宣猷而議政。承恩弗替。世秩列於上公。効力有年。崇班領夫宗正。旣易名而諭祭。復營墓以勒珉云。原封貝子穆爾祐。安平貝勒杜度次子也。天聰九年。發兵由山西入邊。征明。五月。穆爾祐隨額爾克楚虎爾貝勒多鐸率師入寧錦地界。遙望

立營。以牽制明救援山西之兵。仍沿途畧地。獲馬二百一十匹。攻克一臺。尋封輔國公。崇德七年。以罪革爵。黜宗室籍。順治元年十一月。隨定國大將軍豫親王多鐸南征。擊潼關流賊第一營步兵。同擺牙喇甲喇章京烏拉禪破之。又擊其第二營步兵。先衆衝入。賊兵來犯我噶布什賢兵。同甲喇章京鄂博擊敗之。我噶布什賢兵近山設伏。有賊兵兩隊自山上來犯。穆爾祜又同鄂博擊敗之。二年二月。授三等鎮國將軍。復入宗室籍。三年正月。以潼關四次敗流寇功。加封至一等鎮國將軍。是年。隨豫親王多鐸追騰機思。擊敗土謝圖汗兵。又敗碩雷汗兵。四年三月。封輔國公。五年十二月。大同總兵姜瓖叛。穆爾祜奉

命同敬謹郡王尼堪等。率官兵往征。師至寧武關。賊兵來犯我營。擊敗之。左衛賊兵來犯。又擊敗之。六年十月。由輔國公超封固山貝子。九年七月。隨定遠大將軍敬謹親王尼堪。往征湖南。至衡州府。敬謹親王尼堪戰歿。從征諸將俱獲罪。穆爾祜亦坐是革爵。

固山貝子特爾祐。亦安平貝勒杜度子。崇德四年八月。封輔國公。六年。隨大兵征明。圍錦州。擊杏山松山兵。及明經畧洪承疇兵。俱力戰有功。七年。以罪革爵。黜宗室籍。順治元年。隨睿王多爾袞入山海關。擊敗流賊。追至慶都縣。又敗之。十一月。隨定國大將軍豫親王多鐸南征。敗流賊於潼關。二年二月。叙功。封輔國公。復入宗室籍。十月。歷叙隨征功。

賜黃金五十兩。白金二千兩。六年十月。封固山貝子。十五年二月薨。

世祖章皇帝念其功。諭祭二次。予諡恪僖。明年立碑墓道。碑文有賦姿英敏。制行端重之稱。子噶爾哈圖。襲封鎮國公。康熙二年十一月卒。三年三月。以噶爾哈圖之弟登塞襲。降封輔國公。十二年六月。以登塞係貝子特爾祐子。改封爲鎮國公。六十一年十二月。任宗人府左宗人。雍正元年三月。以年老乞休。二年九月卒。

諭祭二次。諡恪恭。立碑墓道。碑文稱其持身謹慎。奉職恪勤云。

固山貝子薩弼。安平貝勒杜度之幼子也。崇德

七年。以罪黜宗室籍。順治元年。隨睿王多爾袞入山海關。擊敗流賊。追至慶都縣。率本旗擺牙喇擊賊有功。二年二月。封輔國公。復入宗室籍。三年。隨平南大將軍貝勒克德渾。征剿湖廣流寇一隻虎於荊州。率本旗擺牙喇屢敗賊衆。明年從攻蘇州。城內賊兵遁去。薩弼追斬之。又有遁出者。復率護衛兵追擊之。六年十一月。超封固山貝子。十二年二月薨。

諭祭一次。予諡懷愍。造墳立碑。碑文有生性聰明。心行賢正之稱。是年八月。封其子顧鼎爲鎮國公。十五年三月卒。諡悼愍。

賜祭葬。立碑如例。碑文稱其性溫良而心謹慎云。

鑲藍旗追封貝勒篇古。追封親王舒爾哈齊子。鄭親王濟爾哈朗弟也。天聰五年三月。任鑲藍旗固山額真。八月。隨

太宗文皇帝征明。抵大凌河。令諸將士分門而軍。掘壕築牆以圍之。篇古率本旗兵圍城南面之西。斷明兵出入。尋聞阿濟格貝勒往錦州松山擊敗明援師。

太宗將幸其軍。出營後。大凌河城內兵突出來犯。篇古

等各率兵夾擊。敵兵大敗。九月。

太宗以計誘大凌河城內兵。令我兵假作錦州援兵至。距城十里放礮不絕。令廝卒執旗幟向錦州馳騁揚塵。

太宗親率擺牙喇兵伏於山內。城中總兵祖大壽見之。果以爲援兵也。率兵出城接應。至西南隅來攻。我兵所得之臺。豎梯將攻。篇古及葉臣。鄂本兌。明安貝勒。四將軍營兵齊出進擊。敵遂敗走。奔入城內。閉門不敢復出。八年五月。大兵往征察哈爾國。篇古領兵先發。七月。與德格類貝勒。率兵進明邊獨石口。攻取長安嶺。殺其城守備。攻赤城。克其郭。大城未拔。八月。以所獲金銀緞布諸物進獻。

太宗酌納之。九年。大兵復由山西入邊。征明。五月。篇古隨額爾克楚虎爾貝勒多鐸。率擺牙喇兵駐寧錦地界。制明援兵。併畧明地。六月。凱旋。崇德元年五月。隨武英郡王阿濟格。征明。入長城。破敵有功。是年冬。從征朝鮮。同固山額真譚泰等。率兵豎梯登朝鮮王城。敵人奔竄。遂收其財物牲畜而還。以功封固山貝子。四年五月。緣事革爵。

八月復封輔國公。六年八月大兵征明圍松山。明兵乘夜遁走。篇古率所部甲士追擊大破之。七年十月隨奉命大將軍饒餘貝勒阿巴泰再征明國。至黃崖口將入長城。篇古與固山額真譚泰葉克舒馬喇希定議兩路夾攻邊口。遂遣兵擊之。攻克其城。八年十月與輔國公博和託更番駐防錦州。十二月卒。順治十年五月以子尙善貴追封貝勒。諡靖定。子努賽初封輔國公。順治六年封固山貝子。七年十一月薨。諡悼哀。努賽子喇篤祜襲封鎮國公。十七年十二月卒。諡端純。

原封貝勒尙善。追封貝勒篇古子也。順治元年四月襲父篇古輔國公爵。十月晉封固山貝子。是年冬隨定國大將軍豫親王多鐸南征。至潼關擊流賊。賊以騎兵三百橫截我師。尙善同貝勒尼堪擊敗之。二年撫定河南。渡揚子江。定南京。並在事有功。

世祖章皇帝念其從征勤勞日久。

賜圓補紗衣一襲。又

賜金一百兩。銀五千兩。鞍馬一匹。五年八月同英親王

阿濟格。統領官兵。剿天津土寇。滅之。十二月。尚謙郡王瓦克達。率師駐防大同。六年十月。封多羅貝勒。九年二月。管理藩院事。十月。任議政大臣。十七年七月。緣事降貝子。康熙十一年閏七月。

聖祖仁皇帝以貝子尚善。性行端良。凡事小心敬慎。勤勞為國。復封貝勒。十二年六月。擢宗人府右宗正。尋以疾解右宗正任。十二年十二月。逆藩吳三桂反。陷貴州。趨湖南。攻澧岳諸處。十三年正月。已。

命順承郡王勒爾錦。為寧南靖寇大將軍。往征。至荊州。頓兵未進。六月。

聖祖復命貝勒尚善。為安遠靖寇大將軍。率師之岳州。速行滅賊。十一月。尚善疏請。撥京口沙唬船五十艘。並水手發往岳州。以資進剿。

聖祖從其請。十四年六月。聞逆賊犯夔陵甚急。發戰船四十艘。赴荊州。以絕其運道。賊勢稍減。十二月。安親王岳樂。由江西進取長沙。尚善分遣官兵。同往夾攻長沙。仍自攻岳州。移兵逼之。十六年正月。征南將軍穆占。由岳州赴長沙。深入賊地。

八旗通志 卷一百三十九
五
尙善又率水陸兵乘隙進取。仍時探穆占兵消息。四月。賊勢窮蹙。遂率衆遁往衡州。九月。吳逆駐兵湘潭。分遣其衆侵犯兩粵。

聖祖命出征各將軍會議破賊。順承郡王勒爾錦奏欲自荊州渡江進剿。尙善請添發烏船四十艘。精兵每佐領四名。水陸夾擊。均如所議。十七年二月。以尙善屢欲請增戰艦。未一大創賊寇。可率所部大臣及每佐領兵五人。赴長沙駐守。令安親王岳樂率大兵取岳州。尋尙善疏言。仍願統舟師務克岳州以贖罪。

聖祖從其請。遣湖廣總督蔡毓榮率標兵三千。並荊州隨征綠旗兵二千。馳赴岳州。協擊湖賊。六月。疏報討逆將軍鄂內。湖廣總督蔡毓榮率舟師入湖。分道進擊。擒斬僞官兵丁。獲烏船僞劊器械等物。賊僞將軍杜輝乘船來犯柳林嘴。我師迎擊。又君山扁山舟師亦來合擊。賊敗走。斬獲甚多。沉其船。賊固守套河峽。總兵官萬正色又擊破之。從此我師直進。逆賊旦夕可平矣。下部議叙。八月。以疾薨於岳州軍中。年五十八。喪還京師。

聖祖遣官致祭。如典禮。十九年七月。議政王大臣等論出師湖廣功罪。尙善坐統兵岳州。不速滅賊。退縮貽悞。追革貝勒。子顧祿固。康熙八年正月。封奉恩將軍。尋以軍功加一拖沙喇哈番。五十年四月卒。

固山貝子富喇塔。亦追封貝勒。篇古子。順治二年二月。授輔國公。六年十月。晉封固山貝子。七年。以鄭親王濟爾哈朗爲定遠大將軍。往征湖廣流寇。富喇塔奉

命參贊機務。兵至湖廣。所向皆捷。追賊至廣西。生擒賊

渠賀鳳翔等。凱旋。

賜白金六百兩。十六年二月。緣事降輔國公。十八年三月。復封固山貝子。康熙十三年三月。逆藩耿精忠據福建反。

聖祖仁皇帝命富喇塔爲寧海將軍。同奉命大將軍康親王傑書統兵討之。

賜帑金七百兩。暨盔甲弓刀鞍馬等物。是年十二月。遣發滿漢官兵至台州地方。探知耿逆僞都督僉事曾璽僞總兵陳理。領兵屯黃瑞山。遂追擊之。殺賊一千七百餘人。斬僞副將陳鵬等七人。生

擒僞守備以下百餘人。盡燒賊營。賊犯天台。遣夸蘭大席密納等。率領滿漢官兵。連破之於紫雲山九里寺山等處。殺賊千餘人。十四年八月。遣副都統紀爾他布。自土木嶺進兵。至半山嶺。大敗賊衆。遂親統官兵。乘勝進指黃巖。至黃土嶺。遇賊以馬步兵三路來拒。俱指揮官兵大破之。賊退據黃巖。遂領官兵圍其城。賊將曾養性乘夜遁去。僞副將朱鎮山領僞官三十員。賊衆三千二百二十人。民三萬三千。開門降。遂復黃巖。富喇塔復率署前鋒統領吳木篤等領兵

自黃巖進取溫州。擊敗逆賊於上塘嶺。復誘賊至小河渡。大敗之。生擒僞官三十五員。賊兵五百餘人。恢復太平。樂清。青田。三縣。及大荆盤石。二衛。十月。攻溫州。擊敗賊衆。僞副將朱起龍。自溫州投誠。十五年。統領大兵過三角嶺。循江邊大路前進。僞都督曾養性等。率賊船百餘隻泊江中。復以賊兵千餘。在得勝山下古溪地方當路立營。對江亦立營。設列火礮拒守。富喇塔令副都統紀爾他布。總兵官劉世凱等。分爲兩隊。攻取賊營。以開大路。又令漢軍用火礮擊江中。

六放通志 卷一百三十九
賊船并對江賊營。又令漢兵埋伏山之兩傍林內。五月大兵齊進攻拔其營。斬賊三百餘級。賊敗走。遇伏兵。斬殺甚多。江中賊船被火礮擊沉。大路已開。副都統紀爾他布等至溫州溪渡口。遇僞都督馬成龍。僞總兵陳貴等。領五千餘賊來犯。奮擊敗之。追擊十餘里。殺賊一千餘人。生擒百餘名。降僞都司鄭雄。僞遊擊馬國銘等。遂進兵福建。耿逆僞騎都尉連登雲等率賊二萬餘。據守雲和縣石塘嶺。富喇塔親統官兵指揮進擊。自寅至酉。殺賊七千餘。連破賊營二十八座。縱火焚之。獲僞印劄符火礮鳥鎗器械無算。遂復雲和縣。富喇塔在浙江戰功甚大。所至救出被賊俘掠人民。台州軍民尤感之。立碑頌德。是年十一月。以疾薨於軍。喪還京。

聖祖特遣內大臣一等公坡爾益迎至天津弔問。

賜祭二次。建碑修墳銀一千七百兩。十七年六月。宗人府爲請諡。奉

旨貝子富喇塔係宗室懿親。爲國宣力。躬履行間。勦禦賊寇。撫綏兵民。平定地方。勲猷茂著。積勞薨逝。深爲可憫。理應優卹。以示朕酬庸之意。不拘定例。著封其

子福善仍爲固山貝子。次子福存爲鎮國公。

賜諡惠獻。建碑墓道。文曰。惟稽古選建懿親。作屏王室。罔不在外。以著成勞。故魯公誓於淮徐。召穆師於江漢。咸書典策。足紀功宗。爾富喇塔。乃輔國公篇古之子。念係宗室。俾仍父封。嗣加特恩。超列貝子。屬閩越未靖。師旅徂征。簡佐戎行。克揚我武。電掃鯨鯢之衆。風行騶駱之餘。乃禮未舉於勞還。躬遽捐於盡瘁。朕惟生勤王事。歿有寵章。矧於宗室之賢。尤切哀榮之誼。爰推殊績。以易厥名。特賜諡曰惠獻。於戲。惟慈愛有除殘之美。惟獻哲有制勝之能。德勒貞珉。光予屬籍。福善襲封固山貝子。旋擢宗人府宗正。以病退。康熙二十年二月。

聖祖追念貝子富喇塔功。以其次子鎮國公福存。仍襲封固山貝子。三十九年九月。福存薨。明年

賜祭葬如典禮。立碑墓道。碑文稱其性行端良。居心敬謹。云。福存子德溥。照例襲封鎮國公。仕至宗人府宗正。正紅旗滿洲都統。議政大臣。卒。

賜祭葬如典禮。德溥子恒魯。照例襲封輔國公。

正藍旗鎮國公阿拜。

太祖高皇帝子。天命十年十月。奉

命與弟塔拜。巴布泰統兵一千。征東海北路虎爾哈部。兵分二路以進。俘其衆一千五百人而還。

太祖出城迎宴之。尋授備禦。天聰八年四月。陞三等副將。崇德三年五月。任吏部承政。四年八月。封三等鎮國將軍。六年十月。率兵往錦州南乳峯山駐防。順治四年九月。加二等鎮國將軍。五年二月卒。十年五月。追封鎮國公。

賜諡勤敏。子干圖。崇德六年五月。封三等奉國將軍。順治四年九月。加爲二等奉國將軍。六年十月。封三等鎮國將軍。八年閏二月。晉封輔國公。十六年二月卒。諡介直。干圖弟范圖。順治二年二月。封奉恩將軍。五年十二月卒。十年五月。追封輔國將軍。諡懷儀。

正白旗輔國公塔拜。鎮國公阿拜弟也。天命十年十月。與兄阿拜等統兵征東海北路虎爾哈部。俘其衆以還。論功。授遊擊世職。天聰八年四月。陞一等叅將。尋封三等輔國將軍。崇德四年九月卒。順治十年五月。追封輔國公。

賜諡愨厚。勒碑墓道。碑文云。國家念舊。宗支延罔替之恩。臣子垂勲。盟府垂不刊之典。苟其肇功締造。懋著

八旗通志 卷一百三十九
賢勞而人代旣遙。聲施漸泯。自非錄存疇昔。何以垂示來茲。爾輔國將軍追封輔國公。謚愨厚塔。拜我

太祖高皇帝之第六子也。托體天潢。宣勞帝室。維揚我武。服勤戎馬之間。克壯其猷。佐命風雲之會。用能陳師東海。撫衆北隅。稟指授以無違。効馳驅而有獲。分軍並進。振旅遄歸。當時慶賞已行。此日表章宜及。每因論列。猶追憶夫前勞。特示賞延。俾施榮於後裔。更俞爾孫之請。載錄先世之勤。錫以豐碑。揭諸故壘。於戲。功存王國。固無遐邇之遺。恩被家人。詎有戚踈之異。故茲渙汗。用展親賢。無替舊勲。尚承新命。子額克

親。班布爾善。巴特瑪篇古。喇都海。拔都海。額克親。崇德四年八月。封三等奉國將軍。九年。父塔拜卒。額克親照例襲封三等輔國將軍。其三等奉國將軍。以弟班布爾善承襲。額克親初隨英親王阿濟格。征明北京。明兵自涿州來戰。額克親同希爾根衝入敵軍。大破之。五年。隨睿親王多爾袞。征明。圍錦州。以親軍破敵。又隨豫親王多鐸。設伏於塔山。遇敵兵出。卽殲之。六年。掘壕圍松山。敵城內馬步兵。乘夜來犯我營。額克親守壕門禦之。明兵遂退。順治元年。隨睿王多爾

入山海關擊破流寇有功。由三等輔國將軍授爲二等輔國將軍。四年九月。晉封一等輔國將軍。尋封輔國公。六年十月。晉封鎮國公。七年八月。擢正白旗滿洲固山額真。尋封固山貝子。十年。緣事革貝子及固山額真任。十一年。任內大臣。十二年正月卒。子杜爾霸。順治八年三月。封三等輔國將軍。十五年三月卒。謚愨厚。祭葬如例。班布爾善。崇德二年。隨大兵征朝鮮。率轄員二十。擊朝鮮兵於桃山村。敗之。四年九月。襲兄額克親。三等奉國將軍爵。順治元年。從睿王

多爾袞入山海關。破流賊有功。由三等奉國將軍授爲二等奉國將軍。四年九月。加爲一等。六年十月。優封三等鎮國將軍。八年閏二月。晉封輔國公。康熙四年三月。授領侍衛內大臣。尋授大學士。八年五月。緣事革。巴特瑪篇古。順治二年二月。封奉國將軍。巴特瑪篇古弟喇都海。拔都海。俱封奉恩將軍。六年正月。巴特瑪篇古卒。追封輔國公。謚悼殤。三月。喇都海卒。謚懷僖。十月。晉封拔都海爲三等鎮國將軍。八年閏二月。封輔國公。十七年三月卒。謚恪僖。

正藍旗鎮國公巴布泰。輔國公塔拜弟也。天命十年十月。與兄阿拜。塔拜。統兵征東海北路。虎兒哈部。俘其衆而還。十一年八月。初設十六大臣。以巴布泰。霸奇蘭。管正黃旗事。凡出兵駐防。仍行差遣。居家則審理詞訟。天聰四年五月。緣事革職。八年四月。授三等副將。十一月。復緣事革職。崇德六年五月。封三等奉國將軍。順治元年。從睿王多爾袞。入山海關。同固山額真譚泰。以步戰擊敗流賊。又同譚泰。追至慶都縣。連敗之。二年二月。加封一等奉國將軍。三年。隨平南

大將軍貝勒勒克德渾。征湖廣。追擊賊寇於安遠。南漳。西峯。關王嶺。襄陽府等處。俱有功。四年九月。封三等輔國將軍。尋封輔國公。六年四月。奉

命。同貝子吳達海。帥師往大同。更代前發英親王阿濟格等兵馬。勦叛鎮姜瓖。八年三月。晉封鎮國公。十二年正月卒。

賜祭葬。諡恪僖。弟賴慕布。

國初屢立戰功。天聰八年四月。授備禦。崇德四年九月。任議政大臣。七年十月。緣事革職。解議政

大臣任。順治二年二月。封奉恩將軍。三年五月卒。追封輔國公。

賜祭葬。諡介直。

正白旗鎮國將軍聶克塞。鎮國公阿拜弟。鎮國將軍湯古代之長子也。弟穆爾察。初封三等奉國將軍。崇德五年九月。襲父鎮國將軍爵。聶克塞遂襲弟穆爾察爵。爲三等奉國將軍。旋隨豫親王多鐸。征明寧遠。敵兵出城來犯。率本旗兵擊敗之。順治元年。隨睿王多爾袞。入山海關。與固山額真吳拜。奮擊流寇。追至慶都縣。破其衆。

二年。議叙。加授爲一等奉國將軍。四年九月。加至一等。六年七月。穆爾察卒。諡恪恭。十月。優封聶克塞爲鎮國公。九年正月。緣事降輔國公。尋又降三等鎮國將軍。康熙四年二月卒。年六十五。

諭祭立碑如典禮。

鑲藍旗鎮國公屯齊。鄭親王濟爾哈朗兄。追封貝勒圖倫之子也。崇德元年五月。隨武英郡王阿濟格。征明入延慶。克十二城。九月。凱旋。四年。隨鄭親王濟爾哈朗。出征被劄。於定例外加。

銀百兩。四年八月。授輔國公。六年三月。隨鄭親王濟爾哈朗。貝勒岳託。征明攻塔山。十月。隨睿親王多爾袞。貝勒岳託。征明圍錦州。順治元年十月。討固山貝子。隨定國大將軍豫親王多鐸。南征。破流賊。平陝西。安撫河南。二年。平定南京。四月。賜圓補紗衣一襲。僞福王潛遁太平。屯齊與公圖賴等。率官兵追之。至蕪湖。就擒。十月。凱旋。論功。

賜金百兩。銀五千兩。鞍馬一匹。五年四月。奉

命爲平西大將軍。同固山額真宗室韓岱。統領官兵。及調外藩蒙古兵。討陝西叛獯。平之。九月。任鑲藍旗固山額真。十二月。同謙郡王瓦克達。率兵赴英親王阿濟格軍前。同駐防大同。六年十月。晉封多羅貝勒。九年七月。隨定遠大將軍敬謹親王尼堪。統官兵往征僞桂王。至湖南。十一月。尼堪歿於陣。屯齊隨奉

命爲定遠大將軍。統領其衆進剿。十年六月。聞僞安西王李定國。僞國公馬進忠。率馬步賊兵四萬餘。在永州。屯齊抵永州。李定國等遁。度龍虎關西去。屯齊遂統兵自永州向寶慶進發。師至周家坡。遇僞將軍馮雙禮。白文選。馬進忠等。率賊四

萬餘營於山頂。據地頗險。會日暮天雨。不便進攻。列陣相拒。是夜僞秦王孫可望率兵來自寶慶。與彼軍合。賊衆十萬。下山結陣。勢甚猖獗。屯齊率衆軍分頭奮擊。斬殺甚衆。獲馬七百餘匹。象一隻。軍器無算。尋緣事革爵。十二年八月。授鎮國公品級。令立功贖罪。尋封鎮國公。康熙二年六月卒。溫齊哈者。屯齊兄。原封貝子。屯齊哈之子也。順治九年十月。封鎮國公。十五年二月卒。諡懷思。以子滿都。照例襲封輔國公。十七年八月卒。亦諡懷思。

鑲藍旗鎮國將軍羅託。鄭親王濟爾哈朗兄。追封貝勒。寨桑古之子也。崇德元年。封固山貝子。十二月。隨大兵征朝鮮。圍其南漢山城。有朝鮮巡撫一員。率兵一萬八千來援。羅託等設兵迎擊。斬馘甚多。又一副將率兵一千來援。復擊敗之。二年四月。任議政大臣。七月。

特賜御用良馬一匹。四年正月。大兵征明國。令羅託等

隨武英郡王阿濟格。率四旗擺牙喇兵環守塔山連山。五年六月。隨睿親王多爾袞。往代鄭親王濟爾哈朗。於義州築城屯田。九月。錦州馬步

兵五百。夜襲我鑲藍旗營。羅託同輔國公屯齊等率兵擊敗之。殺敵八人。獲馬九匹。六年八月。隨大兵圍松山。明兵夜遁。沿海邊而走。我師相繼追擊。大破之。黎明。羅託同睿郡王多爾袞統四旗擺牙喇兵。及科爾沁土謝圖汗兵。前往錦州。至塔山大路。橫擊敵人。明兵潰。赴海死者不可勝計。七年三月。隨鄭親王濟爾哈朗。率師攻塔山。六月。任都察院承政。九月。與貝子博洛尼堪等率官兵往代公博和託屯齊扎喀納等駐防錦州。尋獲罪削爵。順治八年三月。封三等鎮國將軍。十三年五月。擢鑲藍旗固山額真。十四年四月。奉

命爲寧南靖寇大將軍。統領官兵駐防荊州。賜之勅曰。今因逆賊孫可望等煽亂湖南。騷擾地方。茲命爾宗室羅託爲寧南靖寇大將軍。同蒙古固山額真特津。蘇章京鄂鼐等統領大兵。前赴南楚。爾統官兵於湖。南湖北地方。與經畧輔臣洪承疇商酌而行。若賊入犯。須協心戮力。多設方畧。相機勦除。凡事與固山額真。蘇章京梅勒章京等會議。十一月。疏報。臣等至荊州。宣布

聖上德意僞將多願投誠。臣隨遣兵奪取心潭口。往巴東斷渡口。於是僞總兵田國欽。黃世奎。鄧基昌等。及賊渠孫可望。標下僞總兵趙世超。副將趙三才。相繼來降。又疏報。僞總兵譚新傳等。率僞官十餘員。家屬二千餘名來降。十二月。僞晉王李定國。與僞秦王孫可望。互相爭戰。可望來降。賊黨內亂。

世祖章皇帝命羅託。同固山額真濟世哈。統兵由湖南進取貴州。十五年五月。疏報克復湖南沅靖等處。進取貴州省城。及平越鎮遠等府。先後共摺降僞官兵丁四千九百九十。男婦九千八百餘。獲馬一千四百餘匹。象十二隻。十六年二月。事平還京。以功授一等鎮國將軍。十七年七月。

世祖以逆賊鄭成功竊踞海隅。逋誅日久未下。遂令羅託爲安南將軍。同尙書車克。內大臣達素。都統索渾等。統領大兵。前往征勦。大破賊衆。十一月。班師。

遣官迎勞之。康熙四年四月卒。年五十。子巴哈。帕帕順。治九年十月。俱封爲三等輔國將軍。十五年二

八旗通志 卷一百三十九
月。帕帕卒。謚懷愍。二月。巴哈卒。謚懷思。俱
賜祭葬如典禮。

鑲藍旗輔國公扎哈納。鄭親王濟爾哈朗兄。追
封貝勒。扎薩克圖之長子也。崇德三年。隨奉命
大將軍睿親王多爾袞。率左翼兵征明。四年四
月。凱旋。扎哈納在事有功。

賜銀二千兩。馬一匹。駝一隻。是年授鎮國公。尋緣事降
輔國公。七年七月。同輔國公博和託。率官兵往
代饒餘。貝勒阿巴泰等。戍守錦州。九月。奉

命還京。十月。以罪除宗室籍。幽禁。家口屬員。撥與鄭親
王。順治二年二月。仍授輔國公。復入宗室籍。九
月。同傅勒赫。率官兵助防江南。五年十二月。同
謙郡王瓦克達。率兵赴英親王阿濟格軍前。駐
防大同。六年十月。晉封固山貝子。九年七月。隨
定遠大將軍敬謹親王尼堪。往征偽桂王。至湖
南。與賊戰於衡州。敬謹親王戰歿。同行將領俱
坐。扎哈納亦緣事革爵。十四年三月。以往征雲
南有功。復授輔國公。十六年三月卒。

八旗通志初集卷之一百四十

宗室王公列傳十二

原封英親王阿濟格

原封睿親王多爾袞

正藍旗原封英親王阿濟格。

太祖高皇帝第八子。母曰大福金烏喇納蘭氏。生子三

人。長卽阿濟格。次睿王多爾袞。次豫郡王多鐸。

並著勲烈有大名。阿濟格生而雄勇。屢專征伐。

積戰功。授貝勒。天命十一年。蒙古喀爾喀扎魯

特背盟。隨兄大貝勒代善等。往聲其罪。執巴克

貝勒父子三人。及喇什希布代青桑噶爾寨等

十四貝勒。又殺吳爾寨圖貝勒。盡俘其子女人

畜。天聰元年正月。征朝鮮。屢破其城邑。朝鮮屈

服。請和。阿濟格貝勒在事有功。五月辛未。從

太宗文皇帝征明。同兄莽古爾泰等五貝勒。率偏師往衛塔山。運糧士卒。遇明兵二萬。擊敗之。癸巳。黎明圍寧遠城。馳至城北。明遊擊率步兵一千二百。掘壕相拒。以車為營。阿濟格同大兵擊殲之。明總兵滿桂及密雲兵出寧遠東二里列陣。太宗欲進兵掩擊。三大貝勒並以距城近不可攻。勸阻甚力。惟阿濟格貝勒欲戰。

太宗因率以前進。命侍衛諸將轄等俱戴兜鍪。馳馬衝敵。敗其前陣騎兵。追至城下。大殪之。填塞壕塹。諸貝勒乃繼至。分擊其步卒。積尸徧野。三年。同濟爾哈朗貝勒等畧明錦州寧遠等處。至其境焚其積聚。蹂躪一月。俘獲三千。十月。

太宗親統大兵伐明。分三路以進。阿濟格貝勒同阿巴泰貝勒率左翼四旗。及左翼蒙古兵。從龍井關入。丁丑夜半克之。黎明。毀水關而進。明漢兒莊副將易愛洪山口叅將王遵臣。聞礮聲來援。俱擊斬之。又斬明三屯營哨卒。至漢兒莊城外。遣人招之降。大貝勒莽古爾泰。及眾貝勒皆至。明副將遣標下官李豐率城內人民薙髮降。大軍遂入。乘城而營。民間秋毫無犯。并招降潘家口。

守備金有光。授爲遊擊。給劄遣之。十一月。山海關趙總兵來援。遵化阿濟格等率左翼兵擊敗之。正在追殺。會

太宗大兵至。遮擊其敗兵。阿濟格戰益力。遂斬趙總兵。其所屬叅遊等官俱就戮。辛丑。大兵進逼明北京。明寧遠巡撫袁崇煥。錦州總兵祖大壽來援。太宗命阿濟格同大貝勒莽古爾泰等率左翼白甲擺牙喇及蒙古迎擊。追殺至城壕。阿濟格馬被創死。始退還。十二月壬申。同阿巴泰等往畧通州。焚毀船隻。進攻張家灣。克之。丁丑。與諸貝勒隨

太宗往視薊州。遇明山海關步兵五千來援。距薊州二里許。與我兵遇。不及入城。遂立營相拒。

太宗命貝勒等衝入。悉殲之。阿濟格所乘之馬又被創死。四年二月。大兵凱旋。途遇敵兵。踞山築壘。阿濟格同衆貝勒破之。斬六十人。獲馬八匹。五年八月癸卯。大兵將征明。阿濟格貝勒奉

命同德格類岳託。二貝勒率二萬人。由義州進發。屯於大凌河以俟。甲子。奉

命邀擊明錦州援兵。明錦州副將二員。叅將遊擊十員。率兵六千來攻我營。時大霧。人覲面不相見。及

敵將至。忽有青藍氣自天衝入敵營。霧忽中開。如門。於是阿濟格岳託列陣進攻。頃之霧霽。擊敗敵兵。追殺至錦州城。生擒遊擊一員。獲盔甲二百餘副。馬二百匹。旗纛十五桿。進獻。辛未。

太宗幸阿濟格營。阿濟格具筵以獻。

太宗以金卮酌所携御酒賜之。阿濟格自恃勇力。與碩託等每戰必衝鋒陷陣。已卯。

太宗特諭阿濟格及碩託曰。爾等勿以敵寡而輕戰。恐其出城誘我。墮彼計中也。如敵兵大至。則遣人來報。朕當親往覘視。以圖迎擊。如敵衆前來下營。可令廝

卒預備裝載。為旋軍之狀。以觀其動靜。敵退則聽之。如彼乘夜劫營。即令廝卒避於僻地。選精兵馳擊。如敵人營結定。則移此處火礮擊之。如值夜深臨卧。我軍當時加瞭望。以偵敵形。是日明錦州兵。逐圖魯什等至小凌河岸。突近大營。

太宗甫擐甲。御前兵不滿二百。遂渡河衝入敵陣。阿濟格繼至。敵復出步軍列陣城壕外。以騎兵隨其後。阿濟格復率我軍衝之。敵望風遠遁。追及步營。擊敗之。斬副將一員。擒把總一員。於是

太宗以所統兵留付阿濟格。戊戌。同大兵破敵於大凌

河尋以擅主額爾克楚虎爾只勒多鐸婚革去貝勒罰銀及鞍馬等旋復貝勒爵六年從征察哈爾五月大兵次木魯哈喇克沁地方以阿濟格爲主帥率左翼官兵畧宣府大同邊外一帶察哈爾部民六月至宣府明兵驚懼將犒賞察哈爾汗所餘財物在張家口者盡行獻出計蟒緞倭緞布匹虎豹狐獺等皮共一萬二千五百七年八月統兵畧山海關俘獲甚衆八年攻保安州克之殺其守備畧取沿途村堡拔靈邱殺知縣守備各一員崇德元年敘功晉封武英郡

王奉

命統兵征明入邊連破二城敗敵七次俘獲人畜一萬五千有奇遂直入長城過保定府至安州克城十二敗敵五十六陣俘獲人口牲畜共十七萬九千八百二十又遣阿山譚泰等設伏斬遵化三屯營守備殲其探卒及出邊山海關千總一員百總四員率馬步兵二百躡我軍後遣兵回擊盡殺之生擒一百總奏捷

賜鞍馬一匹馬三匹九月巳巳凱旋

太宗出盛京地載門十里迎之告祭畢行抱見禮

命於御座右側坐。設大宴。以金卮酌酒。親賜之。十二月。

太宗親征朝鮮。

命阿濟格駐防牛莊。二年三月。以貝子碩託等攻皮島。久未下。

命阿濟格率兵一千往助攻。四月。至皮島。初八夜。遣固山額真薩穆什喀督擺牙喇兵前進。續遣白奇超哈。以固山額真昂邦章京阿山葉臣督之。乘我國所造小船。攻皮島西北隅。八旗阿禮哈超哈。及烏真超哈三順王兵。朝鮮兵。乘巨艦。兵部

承政車爾格統領。前往一路進攻。又令固山額真昂邦章京石廷柱。戶部承政馬福塔。從北隅督戰。遂克其島。斬守島總兵沈世奎。並各路來援官兵。斬殺甚衆。俘男女三千四百七十二口。大船七十艘。礮十位。其餘金銀衣緞馬牛寶器等物無算。

太宗遣官賚

勅諭褒嘉。言朕覽王等所奏。仰體朕心。罔違成命。取明皮島。沈金二總兵所部兵。及其他將士。被我兵斬獲甚衆。朕聞之大悅。此皆卿等同心戮力之功也。十二

八月。於牛莊遣人捉生。遇明兵七百。造飯於清河岸。突入擊敗之。獲馬二十二匹。燻二桿。四年正月。阿濟格奏云。蒙

聖訓指授方畧。至大凌河東四里屯。張剛屯寶林寺等七屯。揚言用紅衣礮攻擊。臺上人畏懼。俱已歸順。四月。畧連山。獲人馬千計。六年三月。同鄭親王濟爾哈朗。因錦州立營掘壕爲久困計。城中蒙古諾木齊。吳巴什等。密遣人議降。明總兵祖大壽聞之。二十四日薄暮。由內城整兵至外城門。遣副將遊擊各一員。欲以計擒吳巴什等。爲

吳巴什所覺。卽執兵相拒。阿濟格夤夜至城下。助蒙古。明兵敗入內城。諾木齊率官兵降。將城中蒙古男婦一切器物。盡發送義州。四月。明援兵自杏山詣松山。阿濟格與鄭親王分統左右翼兵埋伏。阿濟格率左翼兵伏於松山北嶺。令噶布什賢兵往誘敵人。及敵來追時。我伏兵齊出。噶布什賢兵返擊之。右翼伏兵亦追擊其後。大敗之。斬一百七十人。獲馬一百十六匹。甲七十六副。六月。關內援兵。又自松山城向海前進。阿濟格率左翼兵。從松山之西。掩殺至松山城。

八旗通志 卷二百四十一
壕敗之。獲馬五十餘匹。八月。明洪承疇率兵十三萬來援錦州。

太宗親征之。明兵潰遁。阿濟格等追至塔山而還。獲筆架山積粟十二堆。尋復率兵往截塔山路。遇敵掩殺。彌山遍野。不可勝計。乙丑。同睿親王多爾袞圍明人臺四座。用紅衣礮攻克之。斬殺甚衆。生擒臺內副將王希賢。叅將崔定國。都司楊重鎮。斬守備二員。都司一員。遍野搜勦。三日而止。總兵吳三桂。王樸奔入杏山。時錦州。松山。杏山。高橋各路明兵。猶固守不下。阿濟格與諸王貝

勒分兵困之。十一月。松山城內洪承疇出兵六千。夜犯我營。阿濟格等督令我兵沿濠射之。敗去。退回松山。城門已閉。不得入。兩日間。收降二千餘人。敵人從杏山夜遁者。多爲我伏兵所殺。吳三桂與王樸同走寧遠。七年二月。阿濟格遣俄莫克圖。巴圖魯等往畧寧遠地方。俘獲牲畜而還。吳三桂。王樸。白廣恩。遣副將二員。兵六百尾我兵之後。我兵誘而敗之。三月。吳三桂。白廣恩。及祖大壽之子。駐營塔山。分兵一半前至高橋。與我哨卒相拒。阿濟格分遣噶布什賢。兵濟

之敵不戰而退。我兵隨後追至連山，斬三十人。生擒百戶一名，遂過寧遠城西十里，看漢人通海運糧水路。城內明兵出犯，又敗之，斬九十餘人，獲馬十三匹。八年九月，復向鄭親王濟爾哈朗統大兵載紅衣礮及諸火器西征寧遠。二十三日抵中後所。二十四日薄暮，移軍城北，填平壕塹，以雲梯挨牌及紅衣礮急攻之。城頽，敵不能支，奔潰，墮其城，擒斬遊擊都司等二十餘員。及馬步兵四千五百，俘獲無算。又分兵往畧前屯衛中前所等處，俘獲四百餘人，兼獲駝馬牛

羊鎗礮等物。二十九日，阿濟格等抵前屯衛，周視戰壘，立營柵，星夜攻之。十月朔，陷其城，斬總兵李賦明、袁尚仁及副將叅將等三十餘員，兵四千餘級，俘二千餘人，及駝馬火礮等。明中前所總兵黃色聞前屯衛陷，棄城走。我兵追襲之。復拔中前所。順治元年四月，入山海關，破走流賊。平定燕京，俱有功。十月，以冊封和碩英親王。其文曰：

太祖高皇帝肇基立業，垂裕後昆。

太宗文皇帝纘承洪緒，奄有蒙古諸國。平定朝鮮，拓土

開疆彌敦典禮。及朕紹服。爾武英郡王。隨叔輔政王。率兵至明朝山海關。攻破中後所。前屯衛。中前所。又隨叔父攝政王入山海關。破流賊兵數十萬。遂定中原。厥功懋焉。朕誕登大位。特授以冊寶。封爾為和碩英親王。永存帶礪。與國咸休。旋

勅命為靖遠大將軍。統兵由口外往陝西征流寇。二年

二月入邊。沿途勦賊。八戰皆捷。秦屬州縣。攻下者四城。投降者三十八城。獲其金帛馬駝以獻。閏六月。疏報流賊李自成親帥西安府馬步賊兵十三萬。并湖廣襄陽。承天。荊州。德安。四府所

屬各州縣。原設守禦賊兵七萬。共計二十萬。聲言欲取南京。水陸並進。我兵亦分水陸兩路躡其後。追及於鄧州。承天。德安。武昌。富池口。桑家口。九江等七處。降者撫之。拒者誅之。窮追至賊老營。連破走之。賊兵竄入九公山。隨於山中。遍索自成不得。又四出摻緝。有降賊及被擒賊兵。俱言自成竄走時。携隨身步卒僅二十人。為村民所困。不能脫。遂自縊死。因遣素識自成者往認其屍。屍朽莫辨。或存或亡。再行察訪。俘自成兩叔。偽趙侯。偽襄南侯。并自成妻妾二口。獲金

印一顆。又獲僞汝侯劉宗閔。并一妻二媳。自成養子僞義侯姜耐妻。僞齊侯顧英妻。僞總兵左光先。併一妻三子。及術士僞軍師宋矮子。又獲太原府故明晉王二妃。其自成兩叔及僞汝侯劉宗閔。俱斬於軍前。自成又有妻妾三口。因我兵追急。投揚子江死。計我兵追躡自成。及分翼出師。敗賊凡十有三戰。獲駝三十一隻。馬騾六千四百五十四頭。船三千一百八艘。又有故明寧南侯左良玉子夢庚。執總督袁繼咸。守道李猶龍。巡撫黃澍。率總兵十二員。馬步兵十萬。並家口。泊舟於九江之東流縣界揚子江中投降。共帶大小船隻四萬。合河南屬城十二。湖廣屬城三十九。江西屬城六。南京屬城六。共六十三城。已盡設官撫定矣。奏入。

朝廷大悅。祭告。

郊廟

社稷。仍遣侍臣赴軍中慰勞之。八月。凱旋。

賜宴於午門內。五年七月。復奉

命統兵勦滅天津曹縣兩處土寇。十月。聞喀爾喀二楚

八旗通志 卷一百四十一
三
虎爾行獵至我邊界。十一月奉

命出駐大同。十二月大同總督各官出城驗草。總兵官姜瓖據城以叛。總督奔入陽和。旋報附近十二城俱叛。賊兵四出攻狗城邑。阿濟格聞變。隨統兵星夜往圍大同城。事聞。

特命阿濟格爲平西大將軍。專征姜瓖。六年正月。賊黨劉遷攻代州。據外關。章京愛松古遊擊高國勝併蒙古兵三百俱被困。阿濟格遣端重郡王博洛等往援。梯攻外關。大破之。斬賊渠郭芳。劉遷遁去。四月。恢復左衛。六月。致啓睿王多爾袞言。

德豫親王功小。不當優異。鄭親王乃叔父之子。不當稱叔王。當以已爲叔王。睿王乃數其罪。衆議削其爵。睿王以英王特親冒請免其罪。令以後勿預部務。及交接漢官。八月。阿濟格復統兵征大同。九月。疏報僞總兵楊振威遣官來言。振威原係良民。爲逆賊姜瓖迫脅而反。大兵至卽擬斬瓖歸順。因獨力不支。兵民饑餓。死亡殆盡。今合計於同城官裴季中等。約斬姜瓖歸順。臣等許以果斬姜瓖來歸。自當恩養。至二十八日。果斬姜瓖。并其兄姜琳。弟有光。首級來獻。次日。

入大同城。惟楊振威等二十三員及家屬。並所屬兵六百名。俱留養。其餘官吏兵民。盡行誅戮。將大同城垣。自堦撤去五尺。遂班師還。八年正月。睿王多爾袞薨。阿濟格計圖攝政。

世祖從衆議幽禁之。併革所管牛彘。十月。欲於獄中舉火。衆議當正法。得旨。賜令自盡。

正白旗原封睿親王多爾袞。

太祖高皇帝第九子。原封英親王。阿濟格同母弟。生而聰慧多智。積軍功。封貝勒。天聰二年三月。與同

母弟多鐸。隨

太宗文皇帝征察哈爾。凱旋。戊申。

車駕將還瀋陽。於途中大宴羣臣。

太宗以二幼弟初從征異國。卽有功。

特賜二幼弟名。於是多爾袞。貝勒爲墨勒根代青。多鐸

貝勒爲額爾克楚虎爾。三年九月。

太宗親統兵。征明。攻克龍井關。至漢兒莊城。招之降。會

墨爾根代青。貝勒多爾袞。同大貝勒莽古爾泰。

額爾克楚虎爾。貝勒多鐸。兵亦至。城中震懼。明

副將遣其標官李豐。率城內民薙髮出降。丙申。

同大貝勒莽古爾泰等率兵三千赴通州河相
視渡口兼捕哨卒辛丑大兵逼北京明寧遠巡
撫袁崇煥錦州總兵祖大壽等以兵來援奉
命同左翼大貝勒莽古爾泰等領白甲擺牙喇及蒙古
兵迎擊之袁崇煥兵二萬屯沙窩門外多爾袞
同二貝勒由正路入擊敗敵兵追殺至城壕丁
丑隨大營兵往視薊州遇山海關步兵五千來
援擊殲之四年正月旋師明兵踞山築壘率我
兵破之五年隨大兵克大凌河是年初設六部
多爾袞管吏部事六年五月隨

太宗親統兵往收察哈爾部民大兵次木魯哈喇克沁
地方奉

命同濟爾哈朗貝勒等率兵二萬往畧明歸化城黃河
一帶部民七年六月

太宗命諸貝勒大臣各抒所見陳奏時務多爾袞奏言
今春宜整頓兵馬乘彼穀熟入邊圍困北京遇
有援兵則殺之殘毀其周圍屯堡諸物爲久駐
之計八年五月同諸貝勒隨

太宗出

盛京統大兵西行出上榆林口至達代塔前駐營

秋七月奉

命同阿濟格貝勒等。自巴顏朱爾格地方入龍門會大兵於宣府。沿途擊明叅將等馬步兵敗之。旋同兄阿濟格貝勒等。率兩黃旗每牛象兵五人。往畧保安州一帶。庚戌進兵保安州。攻克其城。殺其守備畧取沿途村堡。會大兵於應州城。獻所俘獲。八月奉

命統左翼往畧朔州城東。至五臺山而還。戊辰同諸貝勒隨大兵往視大同城。癸酉。奏言招來廣鹿長山二島男子一千四百五名口。婦女幼丁二千

四百六十六名口。閏八月。至大同。其城南有兵立營。因擊敗之。追及城壕而回。獲馬百匹。九年二月丁未。與岳託貝勒薩哈廉貝勒豪格貝勒爲統兵元帥。往收察哈爾林丹汗子額爾克孔果爾額哲。五月。遣禮部啓心郎祈充格等。齎疏奏報。收服察哈爾汗子額爾克孔果爾額哲捷音。言兵抵察哈爾汗子額爾克孔果爾額哲國人所駐托里圖地方。遣葉赫國金塔什貝勒之孫南楮等。往見其姊蘇泰太后。及其子額哲。告以滿洲諸貝勒奉

命統大兵來招之意。蘇泰太后遂令其子額哲率衆寨桑出迎。四貝勒誓告。

天地於是額哲部下羣臣額齊格顧實等率其部民一千戶歸降。先是有鄂爾多斯部落濟農來招額哲盟誓而去。前軍阿什達爾漢等聞而追及之。多爾袞貝勒令羈留其使。遣人諭濟農還察哈爾遺物。不然我兵卽前進攻。於是察哈爾額爾克楚虎爾妻及其部下臣民千餘戶及一切諸物俱送還。六月旋師。是役獲歷代傳國璽於蘇泰太后。語詳肅親王豪格傳。往畧明山西一帶。自平魯衛入。遇明右衛兵二百敗之。由朔州前發。敗寧武關叅將。直抵長城下。折毀長城。破明羊房口步兵。又敗寧武關哨卒。毀關入畧代州。至忻州。駐劄。縱兵環掠忻州一帶。有敵兵千餘。從忻州出戰。我哨卒擊敗之。比我兵將還。至忻口。明總督遣副將一員。從代州領兵七百來探。右翼兵敗之。自忻口追擊至崞縣。獲馬六十餘匹。至黑峯口。又擊明遊擊哨卒四十名。俱斬之。出長城。自應州赴平魯衛。時衛內有馬步兵五百出城列陣。令右翼兵破其陣。追擊至城壕。

八旗通志 卷一百四十一
明兵死者百餘人。我兵出邊。令那木泰、圖爾格率章京十六員殿後。明大同城守王總兵及鎮守寧遠錦州總兵祖大壽率援兵馬步數千齊出。圖爾格衝殺至壕邊。我兵皆步戰。擊死明兵甚衆。又明潰兵馬步約五百餘於臺上列營。那木泰圍臺奮擊之。斬殺無算。獲馬二百匹。崇德元年八月癸未奉

命同豫親王多鐸等率師往征明國。分兵兩翼啓行。多爾袞率右翼兵由錦州入。十二月壬申。

太宗親征朝鮮。次沙河堡東岡。

命多爾袞同貝勒豪格分統左翼三旗滿洲蒙古及外藩蒙古。左翼兵從寬甸路入長山口。二年正月多爾袞等率左翼兵來會。奏云。我兵旣入長山。昌州城軍民知不能禦。皆棄城奔山寨。我兵攻克之。安州總兵黃州元帥率兵五百出寧邊城。爲臣等轄員所敗。有寧邊城李元帥率叅將三員。遊擊四員。備禦十五員。馬兵七。步兵三百來戰。爲蒙古固山額真蘇納額駙等所敗。生擒李元帥。旋往取江華島。我兵至島。朝鮮有兵船四十餘隻。於渡口迎戰。我兵用紅衣礮攻擊。敵

不能當。東西逃散。黎明。我兵乘船進攻。入江華島。殺烏鎗手百人。又擊殺伏兵千餘人。遂圍江華島城。城中不能守。遂出降。獲朝鮮王妃一。王子二。閣老一。侍郎一。併朝鮮王財物。及羣臣妻子家口。二月。凱旋。多爾袞同安平貝勒杜度率滿洲蒙古漢人大兵。攜所俘獲財物。殿後行。三年二月乙未。

太宗親征喀爾喀。奉

命同禮親王代善等留守。並監築遼陽都爾鼻城。七月奉

命更定八衙門官制。十月。奉

勅爲奉命大將軍。征明。與揚威大將軍貝勒岳託分兵

畧地。多爾袞領左翼兵。自董家口東二十里外

青山關西二里許。步登山岡。由無邊墻處進兵。

九月二十八日。毀邊墻入青山關。山峻墻堅。問

土人云。青山關有兵二百防守。聞右翼兵消息。

已於九月二十五日往援。因乘其無備。不傷一

人。獲其邊境。青山關。董家口。青山營。三處人民。

棄城逃走。遣人與右翼兵馬。約會於通州河西。

由此邊過京城。自涿州分兵八道。一沿山下。一

八旗通志 卷一百四十一
沿運河於山河中間縱兵前進。北京迤西千里。內六府俱蹂躪。直至山西界而還。復至臨青州。渡運糧河。攻破山東濟南。至京南。天津衛。大兵深入。共克城三四十座。降者六城。敗敵十七陣。俘獲人口二十五萬七千八百八十。將士凱還。無一傷者。四年三月。率師還。

盛京。同留守鄭親王濟爾哈朗等聞

車駕將至。出城四十里。至沙嶺堡迎之。多爾袞等以所獲馬駝金銀東珠珍珠蟒緞閃緞各色緞疋貂皮。猓獠獾皮豹皮虎皮。俱陳列於

篤恭殿。按旗具冊進獻。

太宗酌納之。仍賜多爾袞馬五匹。銀二萬兩。五年。鄭親王濟爾哈朗奉

命統兵圍明錦州未下。六年。多爾袞同肅郡王豪格等。率官兵一半往代。鄭親王圍錦州。尋遣官報捷。云。擊敗錦州松山援兵四百二十人。斬二百四十人。獲馬十五匹。六月。又奏捷。言關內援兵出松山來戰。我滿漢蒙古兵兩翼會合。追殺五里。直抵步隊。獲馬五百七十匹。八月。

太宗聞明經畧洪承疇等。率兵十三萬來援錦州。

親統大軍往征之。戊午。

車駕渡遼河。疾馳六日。壬戌。至七家堡。

諭多爾袞等先在高橋駐營。俟

駕至高橋。合圍松山杏山。多爾袞等奏言。

聖駕親臨。臣等勇氣增倍。卽欲自高橋來援。亦必待勝負少分。方可趨至。今如止暫駐松山杏山之間。則臣等大有益矣。奏聞。

太宗允之。明國諸將見大兵環松山而營。大懼。合謀議遁。甲子。奉

命率先至四旗擺牙喇兵。及科爾沁國土謝圖親王兵

前往錦州大路。至塔山大路橫擊明兵。乙丑。奉

命同武英郡王阿濟格攻勦明兵臺。敵兵還時。沿山至

海。且勦且獵。於是多爾袞率兵圍臺四座。遣人

來奏請紅衣礮。及烏真超哈固山額真劉之源

等。攜紅衣礮十位至。攻克四臺。斬殺甚衆。生擒

臺內副將王希賢。叅將崔定國。都司楊重鎮。斬

守備二員。都司一員。遍野搜勦。三日止。總兵吳

三桂。王樸。奔入杏山。丁卯。率兵還。乙亥。奉

命同肅郡王豪格等。率每牛录兵十名。還守

盛京。十月乙亥。同肅郡王豪格等。往錦州駐防。七

年復同鄭親王濟爾哈朗圍錦州。三月，明總兵祖大壽力竭來降。四月，同鄭親王濟爾哈朗等率左翼官兵及兩翼擺牙喇全軍，併烏真超哈全軍，載火器至塔山城，列紅衣礮於西。初八日，進攻。至初九日午時，城頽二十餘丈。我兵自頽處先登，遂拔其城。城內三營官兵七千盡殲之。旋進攻杏山，以

勅諭傳入杏山城內，招其降。不從，復送還。

勅諭二十一日黎明，移礮於城北面，先攻取其近城之臺。二十二日，卽於臺前列紅衣礮，擊毀城垣。約

二十五丈餘。兵將欲登城，城上危急，衆官遂開門，親至營中來降。錦州一帶俱入版圖。八年八月。

世祖章皇帝嗣位，多爾袞與鄭親王濟爾哈朗同攝政。

順治元年正月己亥，鄭親王濟爾哈朗集內三院、六部、都察院、理藩院、堂官，諭之曰：今後各衙門料理事務，或有應白於我二王者，或有記檔者，皆先啓知睿親王，檔書名亦宜先書睿親王名。其坐立班次及行禮儀注，俱照前例行。四月乙丑。

世祖御篤恭殿。賜睿王多爾袞大將軍勅印。

勅曰。我

皇祖肇造丕基。

皇考底定弘業。重大之任。付於渺躬。今蒙古朝鮮俱已歸服。漢人城郭土地。雖漸攻克。猶多抗拒。念當此爭天下於馬上時。征討之舉。所關甚重。朕年幼冲。未能親履戎行。特命爾攝政和碩睿親王多爾袞代統大軍。用加殊禮。錫以御用纛蓋等物。及奉命大將軍印。往定中原。一切賞罰。俱便宜從事。至攻取方畧。爾王欽承。

皇考聖訓。諒已素諳。其諸王貝勒貝子公大臣等。事大將軍當如事朕。同心協力。以圖進取。庶

祖考英靈。爲之欣慰矣。尚其欽哉。壬申。師次翁後。時闖賊已破北京。明崇禎帝縊死。其山海關總兵平西伯吳三桂。遣副將楊坤遊擊郭雲龍。致書請兵。癸酉。報三桂書曰。向欲與明修好。各處致書。明國君臣。不計國家喪亂。軍民死亡。曾無一言相答。是以我國三次進兵。攻掠。蓋示意於明國。官吏軍民。欲明國之君。勢屈而通好也。若今日。則不復出此。惟有底定國家。與民休息而已。予

聞流賊覆滅。崇禎帝不勝髮指。用是率仁義之師。沉舟破釜。誓不返旌。期必滅賊。出民水火。及伯遣使致書。深爲喜悅。遂統兵前進。夫伯思報主恩。與流賊不共戴天。誠忠臣之義也。伯雖向守遼東。與我爲敵。今亦勿因前故。尚復懷疑。昔管仲射桓公中鈎。後桓公用爲仲父。以成霸業。今伯若率衆來。必封以故土。晉爲藩王。一則國仇可報。一則身家可保。世世子孫。長享富貴。如河山之永也。丁丑。師次連山。吳三桂復遣郭雲龍。孫文煥來致書。請速進兵。王得書。卽星夜進

發。踰寧遠。次於沙河。戊寅。師距山海關十里外。吳三桂哨卒來報。賊已出邊立營。隨命諸王等各率精兵逆擊。遇賊將唐通馬兵數百。我噶布什賢兵擊敗之。生擒二人還。己卯。師至山海關。吳三桂率衆出迎。睿王大喜。設儀仗吹螺。同三桂向

天行禮畢。三桂率所屬各官謁王。王謂三桂曰。爾回可令爾兵各以白布繫肩爲號。不然。同係漢人。以何爲辨。恐致悞殺。語畢。令之先行。遂入關。時賊首李自成率馬步兵二十餘萬。自北山橫亘至

海列陣以待。是日大風揚塵。咫尺莫辨。我兵對賊布陣。不能橫列。及海。睿王集諸貝勒貝子公。及諸大臣等。謂曰。爾等勿得越伍躐進。此兵不可輕擊。須各努力。破此。則大業成矣。我兵可向海對賊陣尾。鱗次布列。吳三桂分列右翼之末。號令畢。諸軍齊列。及二次吶喊進兵。風隨止。各對陣奮擊。大敗賊衆。追殺至四十里。賊首尾不能相顧。遁走北京。獲駝馬緞幣無算。俱給賞隨征將士。是日。卽軍中承

制進吳三桂爵爲平西王。賜玉帶蟒袍貂裘等物。令山海城內軍人各薙髮。以馬步兵一萬隸平西王。同大兵直趨北京。追殺流賊。又與諸將誓約曰。此番出師。原欲滅流寇定天下。若入漢境。勿殺無辜。勿掠財物。勿焚廬舍。不如約者罪之。仍曉諭官民。示以取殘不殺。共享太平之意。諭下。凡百姓逃竄山谷者。莫不大悅。各還鄉里。薙髮迎降。五月己亥。奏報底定燕京捷音。言臣統大軍前往燕京。自山海以西各城堡文武將吏。皆爭先奉表迎降。四月二十六日。流賊李自成。盡括金銀幣帛。載發長安。三十日。自成焚燬宮闕。遁

走。臣隨發內外藩王貝勒貝子公固山額真纛章京等率師追擊。臣親率餘兵。於五月初二日抵燕京。京城文武官吏耆老士庶悉出城迎降。以巳時入城。庚戌奏言。諸王大臣等統兵追勦流寇於慶都。大破其衆。固山額真譚泰。準塔。纛章京德爾德赫。哈寧噶等率噶布什賢兵追至真定。又破之。賊焚輜重。倉皇敗走。燕京迤北居庸關內外各城。及天津真定等處皆降。五月。山東平。六月。山西平。時南中僞福王僭立。改元弘光。以馬士英。史可法等爲大學士。可法督師揚州。又設江北四鎮。七月。睿王令南來副將韓拱薇。叅將陳萬春等齎書致史可法曰。予向在瀋陽。卽知燕京物望。咸推司馬。後入關破賊。得與都人士相接見。識介弟於清班。曾託其手勒平安。拳致衷緒。未審以何時得達。比聞道路紛紛。多謂金陵有自立者。夫君父之讎。不共戴天。春秋之義。有賊不討。則故君不得書葬。新君不得書卽位。所以防亂。臣賊子法至嚴也。闖賊李自成稱兵犯闕。手毒君親。中國臣民。不聞加遺一矢。平西王吳三桂。介在東陲。獨效包胥之哭。

八旗通志 卷一百四十一
朝廷感其忠義。念累世之宿好。棄近日之小嫌。爰整
貔貅。驅除狗鼠。入京之日。首崇懷宗帝后諡號。
卜葬山陵。悉如典禮。親郡王將軍以下。一仍故
封。不加改削。勲戚文武諸臣。咸在朝列。恩禮有
加。耕市不驚。秋毫無擾。方擬秋高氣爽。遣將西
征。傳檄江南。聯兵河朔。陳師鞠旅。戮力同心。報
乃君國之讐彰我

朝廷之德。豈意南州諸君子。苟安旦夕。弗審事機。聊
慕虛名。頓忘實害。予甚惑之。國家之撫定燕都。
乃得之於闖賊。非取之於明朝也。賊毀明朝之

廟主。辱及先人。我國家不憚征繕之勞。悉索敝
賦。代爲雪恥。孝子仁人。當如何感恩圖報。茲乃
乘逆寇稽誅。王師暫息。遂欲雄據江南。坐享漁
人之利。揆諸情理。豈可謂平。將以爲天塹不能
飛渡。投鞭不足斷流耶。夫闖賊但爲明朝祟耳。
未嘗得罪於我國家也。徒以薄海同讐。特伸大
義。今若擁號稱尊。便是天有二日。儼爲勍敵。予
將簡西行之銳。轉旆東征。且擬釋彼重誅。命爲
前導。夫以中華全力。受制潢池。而欲以江左一
隅。兼支大國。勝負之數。無待蒼龜矣。予聞君子

之愛人也。以德細人，則以姑息。諸君子果識時知命，篤念故主，厚愛賢王，宜勸令削號歸藩，永綏福祿。

朝廷當待以虞賓，統承禮物，帶礪山河，位在諸王侯上，庶不負。

朝廷伸義討賊，興滅繼絕之初心。至南州羣彥，翩然來儀，則爾公爾侯，列爵分土，有平西之典例在。惟執事實利，圖之輒近，士大夫好高樹名義，而不顧國家之急。每有大事，輒同築舍。昔宋人議論未定，兵已渡河，可爲殷鑒。先生領袖名流，主

持至計，必能深維終始，寧忍隨俗浮沉，取舍從違，應早審定。兵行在即，可西可東，南國安危在此一舉。願諸君子同以討賊爲心，毋貪一時瞬息之榮，而重故國無窮之禍。爲亂臣賊子所笑，予實有厚望焉。記有之：惟善人能受盡言。敬布腹心，佇聞明教。江天在望，延跂爲勞。書不宣意，可法旋遣人報書，語多不屈。九月，遣官迎。

世祖至燕京，遂定都焉。是冬遣豫親王多鐸南征，英親王阿濟格西征。十二月，河南平。二年，陝西、湖廣、南京及南直隸平。又遣貝勒博洛平浙江，進征

福建肅親王豪格征四川三年福建四川俱平。五年十二月大同總兵官姜瓖叛六年二月睿王多爾袞總統內外官兵征勦大同師次古爾班口有喀爾喀碩雷汗下七人攜妻子來歸言碩雷兵馬距我國有十日程散處於野有犯邊意王因止大同之行議定出張家口趨喀爾喀遣人調外藩蒙古兵師次察喜兒圖察罕腦兒以軍中馬瘠且蒙古道間無水罷往喀爾喀仍趨大同遣人止外藩蒙古兵是年姜瓖平七年十二月戊子王薨於喀喇城年三十九喪至

京師

吳正有號

世祖率諸王貝勒文武百官出迎於東直門五里外各官伏道左舉哀由東直門至玉河橋四品以下各官俱於道旁跪哭至王第公主福金以下及文武官命婦俱喪服於大門內跪哭是夜諸王貝勒以下及各官俱守喪丁酉諸王貝勒固山額真議政大臣會議宜追稱皇帝祔享

太廟奉

旨一切俱著以天子之禮舉行己亥詔文武官員持服二十七日庚子大學士剛林等取攝

政王府所收信符。進貯內庫。吏部侍郎索渾等。以賞功冊奏進。

大內甲辰。追尊爲懋德修道廣業定功安民立政。誠敬義皇帝。廟號成宗。八年正月。追尊王妃爲義皇后。同祔。

太廟。二月。蘇克薩哈。詹岱。穆濟倫。首告睿王薨於出獵之所。侍女吳爾庫尼。將殉葬時。呼羅什博爾惠。蘇拜。詹岱。穆濟倫。五人至。囑之曰。王曾不令人知。備有八補黃袍。大東珠素珠。黑狐裯子。今可不令人知。潛置棺內。及回家殯歛時。羅什。蘇克

薩哈。詹岱。穆濟倫。將八補黃袍。大東珠素珠。黑狐裯子。不令人知。潛置棺內。及王欲於永平圈房。偕兩固山移駐。與何洛會。羅什。博爾惠。吳拜。蘇拜等。密謀定議。將圈房之人。已經遣出。會出獵。稽遲未往。俟獵回。再遣。蘇克薩哈。詹岱。穆濟倫。以其事聞。

世祖令諸王大臣質訊。睿王不令人知。私製御用服飾等件。又欲率兩固山駐永平。謀篡

大位。應籍其所屬家產人口。其養子多爾博。女東莪。給信王。奏入。奉

聖旨依議。尋削奪帝號。

人方通志 卷一百四十一

三

...

...

...

...

...

...



